



CONVENIO DE COLABORACIÓN EDUCATIVA ENTRE A UNIVERSIDADE DE SANTIAGO DE COMPOSTELA E O VALEDOR DO POBO DE GALICIA PARA A REALIZACIÓN DE PRÁCTICAS ACADÉMICAS EXTERNAS CURRICULARES OU EXTRACURRICULARES DE ALUMNOS DA FACULTADE DE CIENCIAS POLÍTICAS E SOCIAIS

En Santiago de Compostela, a 2 de decembro de 2016

REUNIDOS

Dunha parte o Excmo. Sr. D. Juan Manuel Viaño Rey, Reitor Magnífico da Universidade de Santiago de Compostela que actúa en nome e representación dela en virtude do Decreto 62/2014, de 28 de maio (DOG 4/06/2014), de seu nomeamento, e polas facultades conferidas pola Lei Orgánica 6/2001, de 21 de decembro, de Universidades, modificada pola Lei Orgánica 4/2007, de 12 de abril e o Decreto 14/2014, de 30 de xaneiro, polo que se aproban os estatutos da Universidade de Santiago de Compostela .

Da outra a Excma. Sra. D^a Milagros Otero Parga, Valedora do Pobo de Galicia, nomeada por Resolución do 4 de agosto de 2015 do Parlamento de Galicia, actuando en nome e representación do Valedor do Pobo, en virtude das facultades que lle confire o artigo 7a) do Regulamento de Organización e Funcionamento do Valedor do Pobo.

Todos eles en virtude de poderes suficientes para comparecer neste acto e vincularse, poderes ou capacidades que manifestan non lle foron modificados nin revogados.

Todas as partes recoñécense plena capacidade e lexitimación bastante para a formalización do presente convenio e aos efectos

EXPOÑEN

- I. Que o Real Decreto 592/2014, de 11 de xullo, que regula as prácticas académicas externas de estudiantes universitarios establece no seu art. 8.1.a a posibilidade de que os estudiantes matriculados en ensinanzas impartidas pola Universidade realicen prácticas académicas externas, que poderán ser curriculares ou extracurriculares.
- II. Que o Real Decreto 1791/2010, do 30 de decembro, polo que se aproba o Estatuto do Estudante, establece no seu art. 8.f o dereito dos estudiantes á realización de prácticas curriculares ou extracurriculares, que poderán realizarse en entidades externas.
- III. Que os Estatutos da Universidade de Santiago de Compostela establecen (Disposición Adicional Primeira) que "a Universidade de Santiago de Compostela poderá contar coa colaboración de profesionais externos no desenvolvemento de actividades prácticas derivadas de convenios ou acordos con ela, para impartiren prácticas tuteladas externas, segundo o que se estableza nestes convenios, e procurará o adecuado recoñecemento desta

colaboración". Así mesmo, no art. 51 f) indican que unha función das facultades e escolas é a promoción e implantación de medidas para a realización de prácticas externas.

- IV. A adecuación dos programas educativos ás necesidades do mundo laboral constitúe unha das preocupacións da Universidade de Santiago de Compostela, de aí que sexa un dos obxectivos da USC o complementar a súa formación teórica mediante as prácticas en entidades que lles permite coñecer a realidade laboral.
- V. Todas as partes consideran necesario un maior acercamento entre o ámbito laboral e a universidade, para facilitar a futura inserción laboral dos universitarios mediante a alternancia da súa formación teórica con prácticas externas, acadando ó mesmo tempo a mellor cualificación e Inserción no ámbito laboral
- VI. Co Convenio preténdese enmarcar a cooperación educativa na que se delimiten as garantías recíprocas do alumnado e a entidade colaboradora no desenvolvemento do período de prácticas.

En consecuencia, acordan formalizar o presente Convenio de Colaboración coas seguintes

CLÁUSULAS

Primeira.- OBXECTO.

As partes asinantes acordan establecer un programa para a realización de prácticas académicas externas dos alumnos nas instalacións do Valedor do Pobo, así como para aportar os seus expertos para aquela parte da docencia teórico-práctica especializada que fora precisa. As prácticas poderán ser:

- **Curriculares**, contempladas nos plans de estudos.
- **Prácticas conducentes á elaboración dos Traballos Fin de Grao / Traballos Fin de Máster**, segundo se contempla nos plans de estudos e demás normativa de aplicación.
- **Extracurriculares**, ou complementarias.


O convenio fixa os mecanismos de colaboración entre as partes coa finalidade de establecer unha adecuada programación, desenvolvemento e verificación da colaboración.

Segunda.- CONVOCATORIA DE PRÁCTICAS.

Realizarse, como mínimo, unha convocatoria de prácticas en cada curso académico. A realización efectiva das prácticas convocadas poderá exceder do período ordinario do curso académico con límite ata o 30 de setembro do curso seguinte.

O órgano previsto na convocatoria efectuará a selección dos estudiantes conforme aos criterios establecidos, que deberán ser taxados e nos que se terá en conta o rendemento académico. No caso de que a convocatoria das prácticas non concrete a valoración dos méritos, o órgano de selección deberá elaborar e publicar os ditos criterios antes da análise dos expedientes.

En todo caso, terán prioridade nos procesos de selección as prácticas curriculares sobre as



Millyus Olen



extracurriculares. Así mesmo outorgarase prioridade na elección e adxudicación de prácticas aos estudiantes con discapacidade, con obxecto de que poidan optar a empresas nas que teñan unha adaptación de medios para a realización das prácticas.

Unha vez asignado o destino das prácticas e antes do seu inicio, o estudiante ten que ter formalizada a oportuna matrícula.

Terceira.- REQUISITOS DOS ESTUDANTES EN PRÁCTICAS.

Poderá participar nas prácticas o alumnado da Facultade de Ciencias Políticas e Sociais.

Para a realización das prácticas académicas externas os estudiantes deberán cumplir os seguintes requisitos:

- a) Estar matriculado na titulación á que se vinculan as prácticas segundo as competencias que debe adquirir o alumnado.
- b) Non ter superados os créditos vinculados a estas prácticas externas curriculares, e non ter realizado o depósito do título. Os estudiantes deberán matricular os créditos correspondentes ás prácticas curriculares adxudicadas.
- c) Non ter cuberto o número máximo de créditos de prácticas externas extracurriculares e non ter realizadas estas prácticas na mesma entidade en convocatoria precedente, agás que a actividade a realizar sexa nun programa diferente, nunha unidade ou dispositivo diferente, ou non superase o límite máximo de horas nesa empresa; e non ter realizado o depósito do título. Os estudiantes deberán matricular os créditos correspondentes ás prácticas extracurriculares adxudicadas.
- d) Non manter ningunha relación contractual coa empresa, institución ou entidade pública ou privada na que se van a realizar as prácticas, agás autorización expresa do órgano convocante e da entidade colaboradora que se poderá outorgar cando as prácticas a realizar non teñan ningunha relación co contido do contrato laboral en vigor.

Cuarta.- NÚMERO DE PRAZAS DE PRÁCTICAS.

O número de prazas que se convocarán para realizar as prácticas determinarao a Comisión de Seguimiento deste convenio e concretaranse nas convocatorias que faga a USC.

Quinta.- DURACIÓN DAS PRÁCTICAS, RÉXIME DE PERMISOS E CONDICIÓNNS DE RESOLUCIÓN ANTICIPADA DAS PRÁCTICAS.

1. A duración das prácticas será a seguinte:

- a) As prácticas externas curriculares terán a duración que estableza o plan de estudios correspondente, nos termos establecidos polo artigo 12.6 do Real Decreto 1393/2007, de 29 de outubro, polo que se establece a ordenación das ensinanzas universitarias oficiais.



b) As prácticas externas extracurriculares terán unha duración non superior ao cincuenta por cento do curso académico, é dicir, 30 ECTS (ou sexa, 750 horas, considerando unha equivalencia de 25h/ECTS).

2. Os horarios de realización das prácticas estableceránse de acordo coas características das mesmas e as dispoñibilidades da entidade colaboradora. Deberán ser compatibles coa actividade académica, formativa e de representación e participación desenvolvida polo estudiante na universidade.

3. O réxime de permisos será acordado entre a entidade colaboradora e o estudiante, e deberá adaptarse ás normas que a Universidade poida establecer. En todo caso, deberán respectarse por parte da entidade colaboradora as obrigas que se deriven polo cumprimento da actividade académica e formativa, así como de representación e participación dos estudiantes.

4. Poderá ser excluído das prácticas académicas o estudiante que incumpra as actividades definidas no proxecto formativo ou as directrices marcadas polo titor da entidade colaboradora. Neste caso, a entidade colaboradora comunicará á Universidade esta circunstancia e, de común acordo, ambas entidades poderán dar por finalizada anticipadamente a realización da práctica externa coa perda dos dereitos formativos e, no seu caso, económicos que corresponderan ao beneficiario.

No caso de que as prácticas na entidade colaboradora non se axusten ó acordado coa coordinación do título poderá ser motivo de rescisión delas. Nestes casos, a Comisión de Coordinación ou órgano competente ao efecto deberá ofrecer unha solución para completar o período que lle reste ao estudiante para finalizar as prácticas.

Así mesmo, o estudiante en prácticas poderá, por causas xustificadas, solicitar a renuncia a elles o que deberá ser resolto polo Vicerreitor con competencias na materia de prácticas académicas.

Sexta.- PROXECTO FORMATIVO DAS PRÁCTICAS.

O proxecto formativo en que se concretará a realización das prácticas académicas externas deberá fixar os obxectivos educativos e as actividades que se vaian desenvolver. Os obxectivos estableceránse considerando as competencias básicas, xenéricas, específicas e transversais que debe adquirir o estudiante. Así mesmo, os contidos das prácticas definiranse de forma que aseguren a relación directa das competencias a adquirir cos estudos cursados. *Este proxecto formativo especificase no Anexo a este Convenio para a realización de prácticas académicas externas.*

Sétima.- VINCULACIÓN DOS ESTUDANTES EN PRÁCTICAS COA ENTIDADE COLABORADORA.

1. A relación dos estudiantes en prácticas coas entidades colaboradoras non terá en ningún caso carácter laboral e, polo tanto, non se poderá acoller a ningunha modalidade contractual laboral das previstas no Estatuto dos Traballadores.

2. As actividades estarán sempre orientadas á aprendizaxe práctica titorizada, polo que os estudiantes en prácticas non poderán realizar tarefas de responsabilidade na entidade colaboradora, nin as propias e exclusivas do seu persoal.

3. A entidade colaboradora non poderá cubrir co estudiante en prácticas ningún posto de trabalho, nin sequera con carácter eventual ou interino.
4. Durante o período de prácticas non se poderá formalizar ningún contrato de trabalho entre a entidade colaboradora e o estudiante.

Oitava.- ASEGURAMENTO DO ALUMNO E RESPONSABILIDADE CIVIL.


1. A realización de prácticas académicas externas estará cuberta polo Seguro Escolar, sempre que se realicen en territorio nacional. Para os estudiantes maiores de vinte e oito anos formalizárase obligatoriamente, a cargo do estudiante, un seguro de accidentes.
2. Os danos a terceiros como consecuencia da realización de prácticas académicas externas do estudiante estarán cubertos polo seguro de responsabilidade civil da USC. Non obstante, no caso de prácticas nas que concorran riscos excepcionais ou outras circunstancias, e así se considere na convocatoria, poderán contratarse seguros adicionais.
3. A realización deste convenio non supón contraprestación económica algunha polas entidades asinantes.

Novena.- DEREITOS E DEBERES DOS ESTUDANTES.

Os estudiantes en prácticas terán dereito a contar cun tutor externo da entidade colaboradora na que as realicen, e un tutor académico da universidade.

Os estudiantes en prácticas terán *dereito a:*

- a) Ser avaliados no desenvolvimento das súas actividades, segundo o establecido no programa A avaliação referirase á consecución dos obxectivos de formación que deberán ser coñecidos polo tutor externo. Os estudiantes terán dereito a coñecer os criterios de avaliação.
- b) Á imputación dos créditos cursados para os efectos de finalización de estudos no caso das prácticas curriculares, sempre que contem con avaliação positiva do seu período de prácticas No caso das prácticas extracurriculares, a que a Universidade acredite as prácticas realizadas facéndoas constar no expediente e no SET sempre que contem con avaliação positiva e se realicen antes do remate dos estudos.
- c) Expedición, por parte da entidade colaboradora, finalizado o período de prácticas con avaliação positiva, a unha certificación con mención expresa do nivel acadado na realización das prácticas, con indicación da especialidade á que estivo orientada a súa formación, de ser o caso.
- d) Percibir, nos casos nos que así se estipule, a achega económica da entidade colaboradora, en concepto de bolsa ou axuda ao estudo.
- e) A propiedade intelectual e industrial nos termos establecidos na lexislación reguladora da materia.
- f) Recibir, por parte da entidade colaboradora, información da normativa de seguridade e prevención de riscos laborais.





- g) Cumprir coa súa actividade académica, formativa e de representación e participación, previa comunicación con antelación suficiente á entidade colaboradora.
- h) Dispoñer dos recursos necesarios para o acceso aos estudiantes con discapacidade á tutela, á información, á avaliación e ao propio desempeño das prácticas en igualdade de condicións.
- i) Conciliar, no caso de estudiantes con discapacidade, a realización das prácticas con aquellas actividades e situacións persoais derivadas ou conectadas coa situación de discapacidade.
- j) Aqueloutros dereitos previstos na normativa vixente e/ou nos correspondentes convenios de cooperación educativa asinados pola USC e, de ser o caso, a entidade xestora de prácticas vinculadas á mesma, coa entidade colaboradora.

No caso das prácticas curriculares se o estudiante, unha vez matriculado, non recibise a formación por incumprimento da entidade colaboradora, o centro deberá procurar a súa incorporación noutra entidade para desenvolver as prácticas dentro da mesma convocatoria. De resultar imposible, terá dereito á devolución dos prezos públicos pagados e preferencia na asignación na seguinte convocatoria.

No caso de prácticas extracurriculares se o estudiante, unha vez matriculado, non recibise a formación por incumprimento da entidade xestora ou da entidade colaboradora, poderá optar pola devolución dos prezos públicos pagados, pola súa inclusión nunha lista de agarda ou pola súa inscrición automática nunha nova convocatoria. Estes estudiantes terán preferencia sobre os novos solicitantes.

Así mesmo terán os dereitos establecidos no Real Decreto 592/2014, do 11 de xullo, polo que se regulan as prácticas académicas externas dos estudiantes universitarios, no Real Decreto 1791/2010, do 30 de decembro, polo que se aproba o Estatuto do Estudante Universitario, e nos Estatutos da Universidade de Santiago de Compostela.

Durante o período de prácticas, o estudantado deberá desenvolver o proxecto formativo e elaborar unha memoria final e, de ser o caso, un informe intermedio.

Con relación á entidade na que se desenvolven as prácticas, os *estudiantes deberán*:

- a) Incorporarse na data acordada e cumplir o horario previsto no Anexo.
- b) Cumprir e respectar o sistema organizativo da entidade.
- c) Gardar o debido sixilo respecto dos asuntos que coñezan na súa tarefa.
- d) Cumprir e respectar as normas de seguridade e prevención de riscos laborais da entidade.
- e) Cumprir con diliencia e boa fe as actividades acordadas coa entidade colaboradora.
- f) Calquera outro deber previsto na normativa vixente, nos convenios de cooperación educativa asinados entre a USC, ou entidade xestora de prácticas e a entidade colaboradora, e a entidade xestora de prácticas vinculada á mesma , coa entidade colaboradora.

Os estudiantes de prácticas curriculares estarán obrigados, á realización da totalidade de créditos dos que estean matriculados de acordo co establecido no plano de estudos para obteren o recoñecemento académico.



O incumprimento das súas obrigas poderá determinar a perda automática dos seus dereitos como estudiante en prácticas sen prexuízo das accións disciplinarias que procedan.

Décima.-TITORIZACIÓN DAS PRÁCTICAS.

A cada estudiante seralle asignado un titor académico que será un docente da titulación designado polo centro para cada práctica ofertada e coa misión de facer un seguimento máis directo da mesma, dar resposta ás expectativas formativas establecidas, asegurar o seu correcto desenvolvemento e avalialo de acordo co proxecto formativo e o programa ou guía docente da materia. O titor académico tamén será o responsable de avaliar ao estudantado de prácticas externas curriculares conforme os criterios de avaliación que se fixen e segundo o procedemento de avaliación establecido pola USC.

Cada estudiante contará tamén cun titor na entidade colaboradora onde realice as prácticas. Será o responsable de aplicar o plan de formación previsto e elaborar os informes de valoración que lle sexan solicitados sobre o traballo desenvolvido polo estudiante.

Décimo primeira.- DEREITOS E OBRIGAS DOS TITORES.

A.- O *titor externo* da entidade colaboradora terá derecho a :

1. O recoñecemento da súa actividade colaboradora por parte da universidade a solicitude dos interesados
2. A ser informado acerca do regulamento de prácticas académicas externas.
3. A ser informado sobre o proxecto formativo e as condicións do seu desenvolvemento.
4. A obter a información e o apoio necesarios para o cumprimento dos fins propios da súa función.

B.- O *titor externo* da entidade colaboradora terá os seguintes *deberes*:

1. Acoler ao estudiante e organizar a actividade a desenvolver consonte co establecido no proxecto formativo.
2. Supervisar as súas actividades, orientar e controlar o desenvolvemento da práctica cunha relación baseada no respecto mutuo e o compromiso coa aprendizaxe.
3. Informar ao estudiante da organización e funcionamento da entidade e da normativa de interese, especialmente a relativa á seguridade e riscos laborais.
4. Coordinar co titor académico da universidade o desenvolvemento das actividades establecidas no convenio que deberán contemplar:
 - As modificacións do plan formativo que poidan ser necesarias para o desenvolvemento da práctica.
 - A comunicación e resolución das incidencias que puidesen xurdir.
 - O control de permisos para a realización de exames e ou outro tipo de actividades de carácter académico.
5. Emitir o informe final e, de ser o caso, o informe intermedio.
6. Proporcionar a formación complementaria que precise o estudiante para a realización das prácticas.
7. Proporcionar ao estudiante os medios materiais indispensables para o desenvolvemento das prácticas.



8. Facilitar e estimular a achega de propostas de innovación, mellora e emprendemento por parte do estudiante.
9. Facilitar ao titor académico da universidade o acceso á entidade para o cumprimento dos fins propios da súa función.
10. Gardar confidencialidade en relación con calquera información que coñeza do estudiante como consecuencia da súa actividade como titor.
11. Prestar axuda e asistencia ao estudiante durante a súa estancia na entidade, para a resolución daquelas cuestións de carácter profesional que poida necesitar no desempeño das actividades que realiza na mesma.

C.- O *titor académico da universidade* terá os seguintes *dereitos*:

- a) Ao recoñecemento efectivo da súa actividade académica, sen que do devandito recoñecemento poidan derivarse en ningún caso efectos retributivos específicos.
- b) A ser informado verbo do regulamento de prácticas académicas externas, así como do proxecto formativo e das condicións baixo as que se desenvolverá a estancia do estudiante que debe tutelar.
- c) A ter acceso á entidade colaboradora para o cumprimento dos fins propios da súa función.

D.- O *titor académico da universidade* terá os seguintes *deberes*:

- a) Velar polo normal desenvolvemento do proxecto formativo, garantindo a compatibilidade do horario das prácticas coas obrigas académicas, formativas, de representación e participación do estudiante.
- b) Facer un seguimento efectivo das prácticas coordinándose co titor externo da entidade colaboradora e vistos, no seu caso, os informes de seguimento.
- c) Autorizar as modificacións que se produzcan no proxecto formativo.
- d) Avaliar as prácticas do estudiante titorizado de acordo co que se establece no artigo 25 do Regulamento de prácticas académicas externas da USC (aprobado no CG do 29 de xullo de 2015).
- e) Gardar confidencialidade sobre a información que coñeza como consecuencia da súa actividade como titor.
- f) Informar ao responsable das prácticas académicas externas na universidade das posibles incidencias xurdidas.
- g) Supervisar e, de ser o caso, solicitar a adecuada disposición dos recursos de apoio necesarios para asegurar que os estudiantes con discapacidade realicen as súas prácticas en condicións de igualdade de oportunidades, non discriminación e accesibilidade universal.

Décimo segunda.- MEMORIA DAS PRÁCTICAS.

Ao rematar o período de prácticas cada un dos alumnos deberá realizar unha memoria final sobre o traballo desenvolvido que entregará ao titor académico. O seu contido mínimo axustarse ao establecido no Regulamento de prácticas académicas externas da Universidade de Santiago de Compostela e ao modelo propio do centro se o ten.



Décimo terceira.- PROCEDEMENTO DE AVALIACIÓN.

O titor académico, á vista do informe da entidade colaboradora e da memoria final do estudiante, avaliará as prácticas desenvolvidas cubrindo o correspondente informe de valoración.

Décimo cuarta.- CERTIFICACIÓN DA ENTIDADE COLABORADORA.

No caso de que a avaliação da memoria e o informe de actuación do alumno sexan favorables, a entidade colaboradora emitirá para cada alumno unha certificación na que debe constar o tempo de colaboración, as actividades, traballos, investigacións, etc. realizados nela. A certificación deberá especificar que carecerá de efectos académicos quedando supeditada, a estes efectos, á avaliação que realice a USC das prácticas.

Décimo quinta.- EFECTOS DAS PRÁCTICAS.

A realización das prácticas curriculares polos alumnos computará para a obtención dos títulos correspondentes co carácter establecido no plan de estudos.

No caso das prácticas extracurriculares, non formarán parte do plan de estudos, pero figurarán no expediente e no Suplemento Europeo ao Título, sempre que se realizaran antes da finalización dos estudos.

Décimo sexta.- PROTECCIÓN DE DATOS.

De conformidade co disposto na Lei orgánica 15/1999, de 13 de decembro, de Protección de datos de carácter persoal, o/a estudiante en prácticas que por razón das actividades formativas teñan acceso, en calquera fase do tratamento, a datos de carácter persoal non revelará a persoa allea á entidade colaboradora información da que tiveran coñecemento, nin utilizar ou dispoñer dela dun xeito ou con finalidade distinta á esixida polas accións formativas, obriga que subsistirá aínda despois de rematadas as mesmas, respondendo en caso de incumprimento do deber de secreto fronte á entidade colaboradora, sen prexuízo das responsabilidades que por igual causa puideran derivarse ante a Axencia Española de Protección de Datos.

A tal efecto o/a estudiante asinará coa entidade colaboradora un documento no que se obrigue a cumplir o deber de secreto antes citado.

Os ficheiros automatizados nos que se sometan a tratamiento datos persoais de estudiantes, persoal das entidades colaboradoras ou outros participantes nos programas de prácticas académicas externas, deberán respectar a lexislación e a normativa da USC sobre protección de datos de carácter persoal e aplicar as medidas de seguridade que correspondan.

Décimo séptima.- COMISIÓN DE SEGUIMENTO.

Créase unha Comisión de Seguimiento e Interpretación do presente convenio. Intégrana por parte da USC o Vicerreitor con competencias en oferta docente, ou persoa na que delegue, e o responsable de prácticas do centro, e por parte da entidade colaboradora as dúas persoas que esta designe. O Vicerreitor con competencias en oferta docente, ou persoa en quen delegue, será o interlocutor da Universidade coa entidade colaboradora en todo o relativo a este convenio.

A Comisión de Seguimiento terá as seguintes competencias:

1. Resolver os problemas que suscite a súa execución.

Miguel Ángel



2. Interpretar e aplicar, con carácter xeral, as estipulacións de este convenio, así como controlar o seu cumprimento e resolver os conflitos entre partes.
3. Tomar medidas en relación ás incidencias que xurdan na realización das prácticas, incluída a expulsión de alumnos/as que non cumplan as cláusulas do convenio.

A comisión reunirase cando así o considere necesario calquera das partes.

Décimo oitava.- NORMAS DE APLICACIÓN SUPLETORIAS.

A falta de determinación no convenio, seránlle de aplicación as seguintes normas:

- Real Decreto 1393/2007, do 29 de outubro polo que se establece a ordenación dos ensinos universitarios.
- Real Decreto 592/2014 de 11 de xullo, polo que se regulan as prácticas académicas externas dos estudiantes universitarios.
- Regulamento de prácticas académicas externas da Universidade de Santiago de Compostela, aprobado polo Consello de Goberno do 29 de xullo de 2015.
- Normativa do Plan de estudos da titulación.
- Convocatorias de prácticas externas e demás disposicións xerais de aplicación.
- Aplicación supletoria do Regulamento para a Xestión de Convenios na Universidade de Santiago de Compostela (aprobado polo Consello de Goberno do 19 de decembro de 2002), as resolucións e acordos sobre esta materia no que non se opoñan ao Regulamento de prácticas académicas externas da Universidade de Santiago de Compostela aprobado polo Consello de Goberno do 30 de xullo de 2015.
- De ser o caso, seránlle de aplicación as normas sobre afiliación e cotización de prácticas externas realizadas polos estudiantes universitarios, actualmente contidas na disposición adicional vixésimo quinta do Real Decreto-lei 8/2014, de 4 de xullo, ou normativa que a substitúa e a disposición adicional vixésimo sexta da Lei 18/2014, de 15 de outubro, de aprobación de medidas urxentes para o crecemento, a competitividade e a eficiencia ou normas que as substitúan.

Décimo novena.- VIXENCIA DO CONVENIO.

O Convenio terá efectos desde a súa sinatura e a súa duración será de catro anos, e en todo caso polo tempo que duren as prácticas do alumnado, podendo prorrogarse de forma expresa para os seguintes catro anos de común acordo polas partes e en tanto non se denuncie expresamente como mínimo con tres meses de antelación.

En todo caso, non se poderá rescindir mentres existan estudiantes realizando prácticas.

Vixésima. - RESOLUCIÓN DO CONVENIO.

Serán causas de resolución do convenio:

- a) O mutuo acordo das partes.
- b) O incumprimento das cláusulas contidas no mesmo, previa reunión da Comisión de Seguimiento.

A denuncia do convenio poderá realizarse por calquera das partes, debendo comunicarse por escrito coa antelación establecida na cláusula décimo novena.

Unha vez extinguido o convenio deberá asegurarse ao alumnado que está desenvolvendo as actividades formativas obxecto deste acordo a posibilidade de finalizalas.

Vixésimo primeira.- XURISDICIÓN.

As partes comprométense a resolver amigablemente as diferenzas que puideran xurdir a través da comisión de Seguimento.

Non obstante recoñécese a xurisdición contencioso-administrativa como competente na materia, dada a natureza pública das Universidades.

E en proba de conformidade, asinan por duplicado o presente convenio no lugar e data indicados no encabezamento.

POLA UNIVERSIDADE DE SANTIAGO DE COMPOSTELA Por delegación do Sr. Reitor (RR do 22-09-2015 DOG do 05-10-2015) O Vicerreitor de Oferta Docente e Innovación Educativa	POLO VALEDOR DO POBO DE GALICIA A Valedora do Pobo de Galicia
 D. Roberto J. López López	 Dª Milagros Otero Parga

ANEXO

ANEXO AO CONVENIO DE COLABORACIÓN EDUCATIVA ENTRE A UNIVERSIDADE DE SANTIAGO DE COMPOSTELA E O VALEDOR DO POBO DE GALICIA PARA A REALIZACIÓN DE PRÁCTICAS ACADÉMICAS EXTERNAS POR PARTE DE ESTUDANTES DESTA UNIVERSIDADE CURSO ACADÉMICO 201...../201....

Os abaixo asinantes manifestan que lerón e aceptan as condicións e compromisos establecidos no Convenio de Colaboración Educativa subscrito entre a Universidade de Santiago de Compostela e a entidade colaboradora, e de acordo coas cláusulas contempladas no dito convenio, fan constar a seguinte información:

1.- Tipo de prácticas: Curriculares Extracurriculares Traballo fin de grao/máster

2.- Estudante beneficiario deste Acordo

Apelidos e nome:

DNI

O/a estudante declara cumplir os requisitos establecidos para a realización das prácticas (cláusula terceira do convenio) así como estar ao corrente no pagamento do seguro establecido na cláusula oitava 1. do convenio (seguro escolar para menores de 28 anos; seguro específico para os maiores de 28 anos).

3.- Titulación na que está matriculado o estudante

4.- Centro de traballo e localidade onde se desenvolverán as actividades:

.....

.....

5.- Titor académico:

D/Dona.....

con DNI.....

6.- Titor da Entidade Colaboradora:

D/Dona.....

con DNI.....

7.- Duración das Prácticas Académicas Externas (dd/mm/aa): *do..... ao*

Nº total de días: Horas/día:

8.- O réxime de permisos será acordado pola entidade colaboradora e o estudiante, e deberá adaptarse ás normas que a Universidade poida establecer. En todo caso, deberán respectarse por parte da entidade colaboradora as obrigas de asistencia á Universidade motivadas polo cumprimento da actividade académica e formativa, así como de representación e participación dos estudiantes tal e como se establece na cláusula quinta, apartado 3 do presente convenio.

9.- O Obxectivo educativo destas prácticas é que o estudiante aplique e complemente os coñecementos adquiridos na súa formación académica, favorecendo a adquisición de competencias que o preparen para o exercicio de actividades profesionais, faciliten a súa empregabilidade e fomenten a súa capacidade de emprendemento.

10.- Proxecto formativo das prácticas (actividades, competencias, obxectivos específicos, etc.)

COMPETENCIAS QUE ADQUIRE O ALUMNADO EN PRÁCTICAS:

- Coñecemento e familiarización cos procesos de traballo no sector público en particular e en organizacións complexas en xeral.
- Capacidad para discriminar e manexar diferentes documentos empregados na Administración Pública.
- Familiaridade cos debates e problemas actuais nos eidos da Ciencia Política e a Xestión Pública.
- Capacidad para identificar e transmitir ideas, problemas e solucións.
- Capacidad para seguir aprendendo. Capacidad de autoaprendizaxe.

CONTIDO DAS PRÁCTICAS:

- Elaboración de argumentarios sobre temas de actualidade política.
- Organización de bases documentais e datos comúns.
- Manexo e interpretación de distintos documentos.
- Seguimento de programas políticos.
- Deseño de campañas de difusión de actuacións da Administración Pública

O tempo equivalente a 30 créditos ECTS é de 750 horas. Desas 750 horas, 50 destinaranse a realizar a memoria por parte do alumno e titorías, polo que o tempo efectivo de prácticas na propia empresa queda finalmente en 700 horas.

11.- Sistemas de avaliación e control: O tutor académico, á vista do informe da entidade colaboradora e da memoria final do estudiante, avaliará as prácticas desenvolvidas tal e como se establece no artigo 25, apartado 4 do Regulamento de prácticas académicas externas da Universidade de Santiago de Compostela, aprobado polo Consello de Goberno do 29 de xullo de 2015.

12.- O/a estudante comprométese a cumplir coas obrigas establecidas no convenio:

- a. Incorporarse na data acordada e cumplir o horario previsto no Anexo.
- b. Cumprir e respectar o sistema organizativo da entidade.
- c. Gardar o debido sixilo respecto dos asuntos que coñezan na súa tarefa.
- d. Cumprir e respectar as normas de seguridade e prevención de riscos laborais da entidade.
- e. Cumprir con diliexencia e boa fe as actividades acordadas coa entidade colaboradora.
- f. Calquera outro deber previsto na normativa vixente, nos convenios de cooperación educativa asinados entre a USC ou entidade xestora de prácticas e a entidade colaboradora e, a entidade xestora de prácticas vinculada á mesma, coa entidade colaboradora.

O que se asina, por triplicado, en....., a.....de.....de 201.....

O/A Titor/a Académico/a,	O/A Titor/a pola Entidade Colaboradora,	O/A alumno/a,
Asinado:	Asinado:	Asinado: